



REVISIUN PARZIALA DA LA LESCHA DA TAGLIA:

ENTRADA EN VIGUR PER IL 01-01-2010/2011 – INA SURVISTA

Il cussegl grond ha approvà la revisiun parziala da la lescha da taglia per il chantun Grischun (LT) ils 18 da zercladur 2009. Questa revisiun parziala pertutga principalmain ils suandants puncts:

- **Gulivaziun da la progressiun fraida** a partir d'ina midada da l'index naziunal dals pretschs da consum da 3 pertschient (enfin ussa 10 pertschient).
- **Aboliziun da la pratica da Dumont.**
- **Deducziun per l'assistenza dals uffants ordaifer la famiglia** da maximalmain 10'000.– francs (fin ussa 6'000.– francs).
- Las **deducziuns per uffants** èn vegnidas fixadas sco suonda:

per uffants da la vegliadetgna prescolara	fr.	6'000.– (fin ussa	fr.	5'000.–)
per uffants minorens pli vegls e per uffants en scolaziun	fr.	9'000.– (fin ussa	fr.	8'000.–)
per uffants en scolaziun ordaifer	fr.	18'000.– (fin ussa	fr.	14'000.–)
- **Ils imports da facultad libers da taglia** èn vegnids fixads sco suonda:

per conjugals	fr.	126'000.– (fin ussa	fr.	56'000.–)
per mintga uffant cun deducziun per uffants	fr.	25'000.– (fin ussa	fr.	21'000.–)
per ils ulteriurs pajataglias	fr.	63'000.– (fin ussa	fr.	42'000.–)
- **Tariffa maximala per la taglia sin la facultad** da 1.75 ‰ (fin ussa 2.25 ‰).
- **Taglia proporziunala sin il gudogn** per personas giuridicas da 5.5 % (fin ussa taglia progressiva sin il gudogn cun ina tariffa maximala da 7 %).
- **Taglia sin il chapital minimala** da 200.– francs per personas giuridicas.

Plinavant èn vegnidas fatgas adattaziuns a differentas midadas dal **dretg fiscal federal** armonisà (refurma da l'imposiziun da taglia sin interpresas II, uschenumnada refurma IPM; lescha federala davart la simplificaziun da l'imposiziun da taglia supplementara en cas d'ierta e davart l'introducziun da la denunzia da sasez nunchastiabla). En la nova regulaziun per ils **gudogns da liquidaziun** da las personas cun activitad da gudogn independenta è la tariffa per ils gudogns da liquidaziun che restan vegnida fixada sin in tschintgavel da quest gudogn.

Questa revisiun parziala è suttamessa al referendum facultativ, uschia ch'i sto vegnir spetgà, sch'i sto vegnir fatga ina votaziun dal pievel (scadenza dal termin da referendum: 23 da settember 2009). Las disposiziuns novas vegnan messas en vigur il 1. da schaner 2010 resp. il 1. da schaner 2011 (adattaziun a la refurma da l'imposiziun da taglia sin interpresas II).